



Նախագահ Դիտեր Ֆ. Ուլսդորֆ
Առաջին Նախագահության
Երկրորդ Խորհրդակալ

Լավ է ամեն բան

Երբ ես մտածում եմ մեր ռաիվիրաների ժառանգության մասին, ամենաոգևորիչ բանը, որ գալիս է իմ մտքում, «Եկեք Սրբեր» օրհներգն է (*Հիմներ և մանկական երգեր*, էջ 2): Նրանք, ովքեր երկար ճանապարհ անցան, հասնելով Սուրբ Լեյքի Հովիտ, հաճախ են երգել այս օրհներգն իրենց հոգնեցուցիչ երթի ընթացքում:

Ես շատ լավ գիտեմ այն ասին, որ ամեն բան լավ չէր այս Սրբերի մոտ: Նրանց տանջում էին հիվանդությունը, շոգը, ուժասպառ վիճակը, ցուրտը, վախը, քաղցը, ցավը, կասկածը և նույնիսկ մահը:

Սակայն, չնայած նրանք ունեին ամեն պատճառ գոռալու «Լատ է ամեն բան», նրանք զարգացրեցին մի մոտեցում, որով մենք այսօր չենք կարող չհիանալ: Անտեսելով իրենց փորձությունները՝ նրանք նայում էին հավերժական օրհնություններին: Նրանք երախտապարտ էին՝ անկախ իրենց պայմաններից: Անկախ հակառակը ցույց տվող փաստերը՝ իրենց հոգու ողջ համոզմունքով նրանք երգում էին՝ «Լավ է ամեն բան»:

Մենք զուր ենք փառաբանում ռաիվիրաներին, եթե դա չի արտացոլվում մեր կյանքում: Ես ցանկանում եմ նշել նրանց հատկանիշներից մի քանիսը, որոնք ոգեշնչում են ինձ, երբ ես խորհում եմ նրանց զոհաբերության և նվիրվածության մասին:

Կարեկցանք

Ռաիվիրաները հոգ էին տանում միմյանց համար՝ անկախ սոցիալական, տնտեսական կամ քաղաքական

պայմաններից: Նույնիսկ երբ այն դանդաղեցնում էր իրենց առաջընթացը, անհարմարությունների պատճառ էր դառնում կամ անձնական զոհաբերություն և ծանր աշխատանք պահանջում, նրանք օգնում էին միմյանց:

Նպատակներով ղեկավարվող և կողմնակալ մեր աշխարհում անհատի կամ խմբի նպատակները կարող են ավելի կարևոր լինել, քան ուրիշների համար հոգ տանելը կամ Աստծո թագավորությունը զորացնելը: Այսօրվա հասարակության մեջ որոշ գաղափարախոսական նպատակների հասնելով կարող է որոշվել մեր արժանիքը:

Նպատակներ ղնելը և դրանց հասնելը կարող է հրաշալի լինել: Սակայն, երբ նպատակներին հասնելու հաջողության համար ուրիշներին անուշադրության են մատնում, անտեսում կամ ցավ են պատճառում, այդ հաջողության գինը կարող է շատ թանկ նստել:

Ռաիվիրաները հոգ էին տանում իրենց շրջապատող մարդկանց համար, սակայն նրանք նաև մտածում էին նրանց մասին, ովքեր գալու էին իրենցից հետո, սերմ ցանելով նրանց համար, ովքեր հետևելու էին իրենց:

Նրանք գիտեին ընտանիքի և ընկերների ուժի մասին: Եվ քանի որ նրանք հենվում էին միմյանց վրա, նրանք ուժեղ դարձան: Ընկերները դարձան ընտանիք:

Ռաիվիրաները ծառայում են որպես լավ հիշեցում, թե ինչու մենք պետք է հեռու վանենք մեկուսանալու գայթակղությունը և դրա փոխարեն օգնության ձեռք մեկնենք միմյանց և կարեկցանք և սեր ցուցաբերենք միմյանց հանդեպ:

Աշխատանք

«Եկեք, Սրբեր, ոչնչից չերկնչենք»:

Այս արտահայտությունը կարգավստ է դարձել հոգևած ճամփորդների համար: Դժվար է պատկերացնել, թե որքան ջանասիրաբար են աշխատել այս մեծ հոգիները: Քայլերը եղել է ամենահեշտ բաներից մեկը, որ նրանք արել են: Նրանք բոլորը պետք է միասին աշխատեին, որ ուտելիք ունենային, վերանորոգեին սայլերը, խնամեին կենդանիներին, ծառայեին հիվանդներին և տկարներին, ջուր փնտրեին ու հավաքեին, պաշտպանեին իրենց մթնոլորտային պայմանների հրատապ խնդիրներից և հարթավայրի զանազան վտանգներից:

Ամեն առավոտ նրանք արթնանում էին հստակ որոշված նպատակներով և ծրագրերով, որոնք հասկանալի էին յուրաքանչյուրի համար՝ ծառայել Աստծուն և իրենց մերձավորներին, և հասնել Սուլ Մեյթի հովիտ: Ամեն օր այդ նպատակներն ու ծրագրերը պարզ էին նրանց համար. նրանք գիտեին, թե ինչ պետք է անել և որ ամեն օրվա առաջընթացը մեծ նշանակություն ուներ:

Մեր ժամանակներում, երբ մեր ցանկացած շատ բաներ մենք կարող ենք հեշտությամբ ձեռք բերել, գայթակղվում ենք հետ դառնալ կամ հուսահատվել, երբ մեզ սպասվող ճանապարհն այդքան էլ հարթ չի թվում կամ երբ կտրուկ մի գառիթափ է հայտնվում մեր առաջ: Այդ պահերին մենք պետք է խորհենք այն տղամարդկանց, կանանց և երեխաների մասին, ովքեր թույլ չտվեցին, որ հիվանդությունը, ծանր աշխատանքը, ցավը և նույնիսկ մահը իրենց հետ կանգնեցնեն իրենց իսկ ընտրած ճանապարհից:

Ռահվիրաները սովորեցին, որ դժվար բաներ անելը խորացնում և ամրացնում էր մարմինը, միտքը և հոգին, խորացնում էր նրանց հասկացողությունը իրենց աստվածային էության մասին և մեծացնում էր նրանց կարեկցանքն ուրիշների հանդեպ: Այս սովորությունը ամրացրեց նրանց հոգիները և օրհնություն դարձավ նրանց համար՝ հարթավայրերը և սարերն իրենց սայլերով անցնելուց հետո դեռևս երկար տարիների ընթացքում:

Լավատեսություն

Երբ ռահվիրաները երգում էին, նրանք սովորեցնում էին երրորդ դասը. «Ուրախ առաջ գնանք»:

Մեր դարի ճակատագրի ծաղրը երբեմն կայանում է նրանում, որ մենք օրհնված ենք շատ բաներով, բայց

այնուամենայնիվ մենք կարող ենք լինել շատ տխուր: Բարեկեցության և տեխնոլոգիաների հրաշքները հիացնում են մեզ և պարուրում ապահովությամբ, ուրախ ժամանցներով, անհապաղ գոհացումներով և հարմարավետությամբ: Եվ այնուամենայնիվ մեր շրջապատում ամենուր մենք տեսնում ենք շատ տժրություն:

Ռահվիրաները, ովքեր շատ բան գոհաբերեցին, ճամփորդում էին առանց նույնիսկ գոյատևելու համար հիմնական անհրաժեշտություններն ունենալու: Նրանք հասկանում էին, որ երջանկությունը չի տրվում հաջողության կամ պատահականության արդյունքում: Հաստատ կարող ենք ասել, որ այն չի գա, երբ մեր բոլոր ցանկություններն իրականանան: Երջանկությունը չի գալիս արտաքին պայմաններից: Այն գալիս է ներսից, անկախ այն բանից, թե ինչ է կատարվում մեր շուրջը:

Ռահվիրաները գիտեին դա, և այդ հոգով նրանք երջանկություն էին գտնում ամեն իրավիճակում և ամեն դժվարության մեջ, նույնիսկ այն դժվարությունների, որոնք հասնում էին իրենց հոգու ամենախոր անկյուններին:

Փորձություններ

Մենք երբեմն ետ ենք նայում այն ամենին, ինչ ռահվիրաները տարել են և ասում. «Շնորհակալ եմ, որ ես չեմ ապրել այդ ժամանակներում»: Մակայն ես կարծում եմ, որ եթե այդ խիզախ ռահվիրաները կարողանային տեսնել մեզ այսօր, միգուցե չարտահայտեին նույն մտահոգությունը:

Չնայած ժամանակները և պայմանները փոխվել են, փորձություններին դիմակայելու և Աստծո առաջ որպես հոգատար և բարգավաճ համայնք միասին հաջող ապրելու սկզբունքները չեն փոխվել:

Ռահվիրաներից մենք կարող ենք սովորել հավատք և վստահություն ունենալ առ Աստված: Մենք կարող ենք կարեկցանք ունենալ ուրիշների հանդեպ: Մենք կարող ենք սովորել, որ աշխատանքը և գործունյա լինելը օրհնում են մեզ ոչ միայն ֆիզիկապես, այլ նաև հոգևորապես: Մենք կարող ենք սովորել, որ երջանկությունը հասանելի է մեզ անկախ մեր պայմաններից:

Ռահվիրաներին պատվելու և նրանց հանդեպ երախտագիտություն ցուցաբերելու լավագույն ուղին մեր իսկ կյանքում Աստծո պատվիրանների հանդեպ հավատարմություն դրսևորելն է, մեր մերձավորների հանդեպ կարեկցանք և սեր ցուցաբերելն է և գործունյա լինելը, լավատես լինելը և ուրախություն ունենալը,

որի վառ օրինակը մեզ տվել են ռահվիրաները իրենց իսկ կյանքով:

Երբ մենք անենք դա, մենք կարող ենք առաջ սլանալ տասնամյակների միջով, բռնել այն ազնվական ռահվիրաների ձեռքը, և ձայնակցել նրանց, մինչ մենք կերգենք նրանց հետ միասին. «Լավ է, լավ, ամեն բան»:

ՈՒՍՈՒՑԱՆՈՒՄ ԱՅՍ ՈՒՂԵՐՁԻՑ

Դուք կարող եք սկսել, երգելով «Եկեք Սրբեր» օրհներգը (*Հիմներ և մանկական երգեր* էջ 2) նրանց հետ, ում այցելում եք: Կարող եք կիսվել մի փորձառությամբ, երբ դուք կամ ձեր ծանոթներից մեկը կիրառել է կարեկցանքի, աշխատանքի կամ լավատեսության սկզբունքները: Եթե ոգեշնչում գգաք, կարող եք վկայել օրհնությունների մասին, որոնք տրվում են այս սկզբունքներով ապրելու արդյունքում և խոստանանք նրանց, ում այցելում եք, որ նրանք կարող են ստանալ նմանատիպ օրհնություններ:

ԵՐԻՏԱՍԱՐԴՆԵՐ

Օրագիր գրելը

Նախագահ Ուիլյամ Ֆորդը մեր օրերը համեմատում է ռահվիրաների ժամանակների հետ: Միգուցե դուք ստիպված չեք եղել անցնելու հարթավայրերով, դուք շատ ավելի եք նման ռահվիրաներին, քան մտածում եք: Դուք նույնպես կարող եք կարեկցանք, ջանասիրություն և լավատեսություն ցուցաբերել: Եվ ճիշտ ինչպես մենք գիտենք, որ ռահվիրաները ցուցաբերել են այս արժանիքները նրանց պահած օրագրերի շնորհիվ, ձեր սերունդները նույնպես կարող են ճանաչել ձեզ ձեր օրագրերի շնորհիվ:

Մի քանի թույլ տրամադրեք և գրեք ձեր մասին ձեր օրագրում: Դուք կարող եք գրել հոգևոր բաների մասին, օրինակ, թե ինչպես եք ձեռք բերել

վկայություն կամ հաղթահարել դժվարություններ Երկնային Հոր օգնությամբ: Դուք կարող եք նաև օգնել ձեր գալիք սերունդներին (ովքեր մի օր միգուցե կարողանան ձեր օրագիրը) իմանալ, թե ինչպիսին է եղել ձեր ամենօրյա կյանքը: Ի՞նչ ծրագրեր եք դուք իրականացնում դարոցում: Ինչպիսի՞ տեսք ունի ձեր սենյակը: Ո՞րն է ձեր ընտանիքի հետ կապված ձեր ամենասիրելի հիշողությունը:

Երբ դուք սկսեք ամեն օր մի փոքր գրել, դուք ոչ միայն կկարողանաք ավելի պարզ տեսնել, թե ինչպես է Երկնային Հայրն ամեն օր օգնում ձեզ կյանքում, ճիշտ ինչպես Նա առաջնորդել էր ռահվիրաներին, այլ նաև դուք ժառանգություն կթողնեք ձեր իսկ ապագա սերունդների համար:

ԵՐԵԽԱՆԵՐ

Շեռնել ռահվիրաների օրինակին

Նախագահ Ուիլյամ Ֆորդը կիսվել է մի քանի մտքերով, թե ինչպես էին ռահվիրաներն իրենց սերն արտահայտում Երկնային Հոր հանդեպ: Դուք կարող եք հետևել նրանց օրինակին: Ահա մի քանի մտքեր, որոնք կարող են օգնել ձեզ.

ԿԱՐԵԿՑԱՆՔ

- Գրեք մի հաճելի երկտող կամ հյուրասիրություն պատրաստեք մեկի համար, ով տխուր է:
- Օգնեք ձեր դասընկերոջը կատարել տնային աշխատանքը:

ԱՇԽԱՏԱՆՔ

- Նպատակ դրեք: Արեք մի բան այս ամիս ամեն օր, որը կօգնի ձեզ հասնել ձեր նպատակին:
- Օգնեք ձեր ծնողներին պատրաստել ընթրիքը:

ԼԱՎԱՏԵՍՈՒԹՅՈՒՆ

- Կազմեք ձեր կյանքում 10 ուրախ բաների ցանկ:
- Ժպտացեք յուրաքանչյուրին, ում տեսնում եք:



Հիսուս Քրիստոսի աստվածային հատկանիշները. ներող և ողորմած

Աղոթքով ուսումնասիրեք այս կտորը և փորձեք հասկանալ, թե ինչով պետք է կիսվեք: Փրկչի կյանքը և դերերը հասկանալը ինչպե՞ս կմեծացնեն ձեր հավատքը Նրա հանդեպ և կօրհնեն նրանց, ում դուք այցելում և ուսուցանում եք: Լրացուցիչ տեղեկության համար, այցելեք reliefsociety.lds.org:

Հավատք, Ընտանիք,
Սփոփանք

Սա Այցելող Ուսուցիչների Ուղեորների այն շարքից է, որը նվիրված է Փրկչի աստվածային հատկանիշներին:

Հասկանալը, որ Հիսուս Քրիստոսը ներող և ողորմած է եղել մեր հանդեպ, կարող է օգնել մեզ, որ ներենք և ողորմած լինենք ուրիշների հանդեպ: «Հիսուս Քրիստոսը մեր օրինակն է», ասել է Նախագահ Թոմաս Ս. Մոնսոնը: «Նրա կյանքը սիրո ժառանգություն է: Հիվանդներին Նա բժշկում էր, ոտնակոխ եղածներին Նա բարձրացնում էր, մեղսավորին Նա փրկում էր: Վերջում կատաղած ամբոխը վերցրեց Նրա կյանքը: Եվ այնուամենայնիվ Գողգոթայի բլրից հնչում են խոսքերը. «Հայր, թողիր դորանց. որովհետև չգիտեն թե ինչ են անում», մահկանացու կյանքում սիրո և կարեկցանքի մի պսակաղորդ արտահայտություն»: ¹

Եթե մենք ներեք ուրիշներին իրենց զանցանքները, մեր Երկնային Հայրն էլ մեզ կների: Հիսուսն ասել է. «Ուրեմն ողորմած եղեք, ինչպես ձեր Հայրն էլ ողորմած է» (Ղուկաս Զ.36): «Մեր մեղքերի ներումը գալիս է պայմանով», ասել է Առաջին Նախագահության Երկրորդ Խորհրդական Նախագահ Դիտեր Ֆ. Ուիլդորֆը: «Մենք պետք

է ապաշխարենք: . . . Արդյո՞ք չեն եղել պահեր, երբ մենք բոլորս էլ հեզ մտտեցել ենք ողորմածության գահին և շնորհ աղերսել: Արդյոք մեր հոգու ողջ եռանդով չե՞նք ցանկացել ողորմություն, որպեսզի մեր կատարած սխալներն ու մեղքերը ներվեն: . . . Թող Քրիստոսի Քավությունը փոխի և բժշկի ձեր սիրտը: Սիրեք միմյանց: ներեք միմյանց»: ²

Լրացուցիչ սուրբ գրություններ
Մատթեոս Զ.14-15, Ղուկաս Զ.36-37, Ավմա 34.14-16

Սուրբ գրություններից

«Մենք պետք է ներենք ճիշտ այնպես, ինչպես մեզ է ներվում», ասել է Տասներկու Առաքյալների Քվորումից Երեց Ջեֆրի Ռ. Հոլլանդը: ³ Անառակ որդու առակը մեզ ցույց է տալիս ներողամտության երկու կողմերը. մի որդին ներվում է, իսկ մյուս որդին դժվարանում է ներել:

Կրտսեր որդին վերցրել էր իր ժառանգությունը, արագ վատնել այն, և երբ սովը սաստկացավ, նա խոզարած էր աշխատում: Սուրբ գրություններում ասվում է. «Եւ ինքն իրան գալով՝ նա տուն վերադարձավ և ասաց իր հորը, որ արժանի չէր լինելու նրա որդին:

Սակայն նրա հայրը ներեց նրան և մտացու եզր մորթեց խնջույքի համար: Ավագ որդին, որ աշխատում էր դաշտում, վերադարձավ և զայրացավ: Նա հիշեցրեց իր հորը, որ ծառայել էր երկար տարիներ, երբեք զանց չէր առել պատվիրանները, սակայն «ինձ երբեք մի ուլ չտուիր, որ իմ բարեկամների հետ ուրախ լինեի»: Հայրը պատասխանում է. «Որդեակ, դու ամեն ժամանակ ինձ հետ ես, եւ ամեն ինչ որ իմս է՝ քոնն է: Բայց ուրախ լինել եւ խնդալ պետք էր. որ այս քո եղբայրը մեռած էր եւ կենդանացաւ. կորած էր եւ գտնվեցաւ» (տես Ղուկաս ԺԵ.11-32):

ՀՂՈՒՄՆԵՐ

1. Թոմաս Ս. Մոնսոն, «Մեր՝ այլեսուրանի էությունը», *Լիստոնա*, մայիս 2014, 91:
2. Դիտեր Ֆ. Ուիլդորֆ, «Ողորմածների ողորմություն են գտնում», *Լիստոնա*, մայիս 2012, 70, 75, 77. *Լեզուններն ստիպ են նաև բնօրինակում:*
3. Jeffrey R. Holland, «The Peaceable Things of the Kingdom», *Ensign*, Nov. 1996, 83.

Խորհեք այս մասին

Ինչպե՞ս կարող է ներողամտությունն օգտակար լինել նրա համար, ով ներում է: